

Rapport dell'academia romontscha a Sviz (1930-31)

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **23 (1932)**

PDF erstellt am: **20.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Rapport dell' academia romontscha a Sviz (1930—31)

«Vinavon cun forza e curascha!» quei ei stau la parola dils commembers dell' academia romontscha a Maria Hilf duront l' annada 1930 - 31. — Daveras lur diember era buca ual gronds. Circa 15. Tonaton essan nus procedi cun bien success, nunditgont biars molestus impediments. Pervia della nauscha influenza ed autras lungurusas malsognas, e specialmein muort il grond giubileum dil collegi (1856—1931) essan nus diversas gadas vegni cattschai ellas stretgas. Auncallura dattan sis concepts gronds e la declamaziun de biaras poesias jastras ed originalas sufficientamein perdetga de nossa lavur. Nus remarchein cheu buca dapli en caussa, essend che nus vein era uonn suenter mintga radunonza schau comparer ina pintga corrispondenza ella Gasetta Romontscha. Nus fagein quei buca per segloriar, mobein per svegliar adina pli e pli els lecturs della gasetta e principalmein els commembers dell' academia igl anim, la premura e la carezia per nossa cara viarva.

Della suprastonza fagevan part:

Albert Lutz de Curaglia,
Luis Gartmann de Pruastg e
Artur Tuor de Trun.

Arpagaus Gieri de Peiden dirigeva sco «cantor» il modest chor viril, il qual embelleva considerablamein nossas sessiuns.

Ed ussa, co stat ei culs aspects pigl avegnir dell' academia? Senza fallir, il temps ei dubius, burasclus, il mund ei stgirs e grevs ein ils dis, quei ha era sias consequenzas per nossa buna caussa. Denton nus vegnin a tener la dira, a tener stendiu suenter nies meglier saver e puder.

Nossa devisa ei e vegn a restar:

Cert, nossa patria e faviala
vegnin nus mai ad emblidar!
Romontsch, tei, cara viarva biala
lein er egl jester cultivar.

Per l' academia rom. a Sviz:

il protectur: *Aug. Giger*, prof.

Rapport dell' academia romontscha a Sviz (1931—32)

Finalmein compara igl Ischi. El ha puspei fatg spetgar ditg e liung. La munconza de temps e lavurs seigi l' empudientscha de siu retard. Po esser. Mo donn eis ei en scadin cass, che quei pauper frar vegl sto adina star anavos a ses auters frars e sias soras, che percuoran mintg' onn legramein las valladas romontschas per grond plascher ed avantatg dils habitonts de quellas. Il pli ferm recloman ils students romontschs, ils quals s' occupeschan durant igl onn de scola, ton sco els san e pon, era de lur cara viarva materna. Quei sa mintgin tgunschamein capir. —

L' academia romontscha a Maria Hilf ha uonn puspei prestau il siu. Sis pli grondas lavurs en